

Komisioni për Mbrojtjen e Konkurrencës, bazuar në nenin 28 dhe nenin 19 paragrafi (1) pika 2) të Ligjit për Mbrojtjen e Konkurrencës ("Gazeta Zyrtare e Republikës së Maqedonisë" nr. 145/10, 136/11, 41/2014, 53/16, 83/18 dhe "Gazeta Zyrtare e Republikës së Maqedonisë së Veriut" nr. 208/24 dhe 16/25), dhe duke vepruar sipas njoftimit për përqendrim të parashtruar nga TSS EVROPA B.V, me seli të regjistruar në Atoomweg 50, 3542AB Utreht, Holandë, dhe ADAM GORAL FONDACIJA RODZINA, me seli të regjistruar në rr. Dabrowskiego 4, lok. 6, 35-033 Zheshov, Poloni, përmes Shoqërisë së Avokatëve Konstantinoviç dhe Milloshevski nga Shkupi dhe Lupka Noveska Andonova avokate nga Shkupi, në seancën e mbajtur më datë 16.07.2025, solli këtë

AKTVENDIM

1. Konstatohet se përqendrimi me të cilin TSS EVROPA B.V, me seli të regjistruar në Atoomweg 50, 3542AB Utreht, Holandë, dhe ADAM GORAL FONDACIJA RODZINA, me seli të regjistruar në rr. Dabrowskiego 4, lok. 6, 35-033 Zheshov, Poloni, do të fitojnë kontroll të përbashkët mbi ASSECO POLAND SA, me seli të regjistruar në rr. Olhova 14, 35-322 Zheshov, Poloni, edhe pse bie nën dispozitat e Ligjit për Mbrojtjen e Konkurrencës, nuk do të ketë si pasojë pengim, kufizim apo shtrembërim të ndjeshëm të konkurrencës efektive në treg ose në një pjesë të konsiderueshme të tij, veçanërisht si rezultat i krijimit ose forcimit të pozitës dominuese të pjesëmarrësve dhe **është në përputhje me dispozitat e Ligjit për mbrojtjen e konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

2. Detyrohet parashtruesi i njoftimit për përqendrim të paguajë takse administrative për njoftimin për përqendrim në vlerë prej 6.000,00 den. dhe për aktvendimin në vlerë prej 30.000,00 den., sipas numrit tarifar 34 të Ligjit për Taksat Administrative („Gazeta Zyrtare e Republikës së Maqedonisë“ nr. 17/93, 20/96, 7/98, 13/01, 24/03, 19/04, 61/04, 95/05, 7/06, 70/06, 92/07, 88/08, 130/08, 6/10, 145/10, 17/11, 84/12, 192/15, 23/16 dhe „Gazeta Zyrtare e Republikës së Maqedonisë së Veriut“ nr. 151/21) në llogari të Buxhetit të Republikës së Maqedonisë nr. 100000000063095, llogaria e pagesës 840...03161, kodi i të ardhurave dhe programi 72231300.

3. Padia për fillimin e kontestit administrativ nuk e shtyn ekzekutimin e aktvendimit.

A r s y e t i m

Në përputhje me dispozitat e nenit 15 të Ligjit për Mbrojtjen e Konkurrencës (në tekstin e mëtejshëm: Ligji), më datë 05.06.2025, dhe i plotësuar më 26.06.2025, pranë Komisionit për Mbrojtjen e Konkurrencës (në tekstin e mëtejshëm: Komisioni) u dorëzua njoftim për përqendrim nga TSS EVROPA B.V, me seli të regjistruar në Atoomweg 50, 3542AB Utreht, Holandë, dhe ADAM GORAL FONDACIJA RODZINA, me seli të regjistruar në rr. Dabrowskiego 4, lok. 6, 35-033 Zheshov, Poloni, me të cilin TSS EVROPA B.V dhe ADAM GORAL FONDACIJA RODZINA do të fitojnë kontroll të përbashkët mbi ASSECO POLAND SA, me seli të regjistruar në rr. Olhova 14, 35-322 Zheshov, Poloni.

Komisioni filloi me shqyrtimin e Njoftimit me ditën e pranimi të tij dhe bazuar në të dhënat e dorëzua në Njoftimin për përqendrim, plotësimin dhe shtojcat e tyre, konstatoi si vijon:

Aktivitetet themelore afariste të ndërmarrjeve të përfshira:

TSS EVROPA B.V., përmes shoqërive të saj të varura, ofron një gamë të gjerë të zgjidhjeve softuerike afariste dhe është aktive, ndër të tjera, në sektorin financiar, shitjen me pakicë, sektorin juridik, qeverinë, patundshmëritë, kujdesin shëndetësor dhe sektorin e automobilave. TSS EVROPA B.V në linjë të fundit kontrollohet tërësisht nga Constellation Software Inc. ("CSI"). CSI blen, menaxhon dhe ndërton biznese që ofrojnë zgjidhje softuerike në mbarë botën ("Grupi CSI").

CSI është e pranishme në Maqedoninë e Veriut përmes shoqërisë së saj të varur, IN2 SHPKNJP Shkup, me seli të regjistruar në bulevardin Kuzman Josifovski - Pitu 15 - ndërtesa Neokom/kati 5, Aerodrom Shkup - Aerodrom, dhe veprimtari afariste të regjistruar - veprimtari këshillimore kompjuterike. IN2 SHPKNJP Shkup kryesisht merret me inxhinieri informatike dhe shërbime IT, duke u fokusuar në zhvillimin, implementimin, mbështetjen dhe mirëmbajtjen e produkteve të IN2 SHPKNJP Shkup dhe zgjidhjeve të partnerëve. Duke bashkëpunuar me anëtarë të tjerë të grupit, kompania gjithashtu implementon sisteme të reja informatike dhe ofron shërbime të konsulencës IT në sektorë të ndryshëm.

ADAM GORAL FONDACIJA RODZINA është një fondacion familjar i regjistruar në pajtim me ligjet e Polonisë.

ADAM GORAL FONDACIONI RODZINA nuk ka prani operative në tregun në Republikën e Maqedonisë së Veriut, dhe as nuk ka ndonjë aktivitet afarist komercial në Maqedoninë e Veriut.

ASSECO POLAND SA është një kompani holding e grupit të kompanive Asseco ("**Grupi Asseco**"), të cilat janë aktive në sektorët e softuerit dhe IT.

Asseco është e pranishme në Maqedoninë e Veriut përmes tre shoqërive të varura:

- ASEE BSS SHPKNJP, Shkup, me seli të regjistruar në rrugën Naroden front 17, 1000 Shkup, dhe veprimtari të regjistruar - tregti me shumicë e kompjuterëve, pajisjeve periferike kompjuterike dhe softuerit;
- ASEE SHPKNJP Shkup, me seli të regjistruar në rrugën Naroden front 17, 1000 Shkup, dhe veprimtari të regjistruar - programim kompjuterik; dhe
- Payten SHPKNJP Shkup, me seli të regjistruar në rrugën Naroden front 17, 1000 Shkup, dhe veprimtari të regjistruar - tregti me shumicë e kompjuterëve, pajisjeve periferike kompjuterike dhe softuerit.

Shoqëritë e varura maqedonase të Asseco kryesisht ofrojnë një gamë të gjerë të produkteve softuerike të dedikuara për sektorin bankar dhe financiar.

Komisioni konstatoi se përqendrimi i njoftuar bie nën dispozitat e Ligjit, sepse plotëson kushtet nga neni 12 paragrafi (1) dhe pika 2) dhe nga neni 14 paragrafi (1) pika 1) dhe 2) të Ligjit për Mbrojtjen e Konkurrencës.

Komisioni, duke pasur parasysh kriteret nga neni 17 paragrafi (2), paragrafi (3) dhe paragrafi (4) i Ligjit për Mbrojtjen e Konkurrencës dhe pikën 6 b) të *Udhëzimeve për përcaktimin e rasteve në të cilat gjatë vlerësimit të përqendrimeve Komisioni për Mbrojtjen e Konkurrencës zakonisht do të konstatojë se ato janë në përputhje me Ligjin për Mbrojtjen e Konkurrencës*, vlerësoi se përqendrimi i njoftuar, edhe bie nën dispozitat e Ligjit, është në përputhje me të, sepse nuk do të ketë si pasojë pengimin, kufizimin apo shtrembërimin e ndjeshëm të konkurrencës efektive në treg ose në një pjesë thelbësore të tij, veçanërisht si rezultat i krijimit apo forcimit të pozitës dominuese të pjesëmarrësve.

Duke pasur parasysh këtë vlerësim të përqendrimit, Komisioni vendosi si në dispozitivin e këtij Aktvendimi, në përputhje me nenin 19 paragrafi (1) pika 2) të Ligjit.

Në përputhje me nenin 53 paragrafi (2) të Ligjit, padia nuk e shtyn ekzekutimin e aktvendimit.

Udhëzim për mjetin juridik:

Kundër këtij vendimi mund të ngrihet padi për fillimin e kontestit administrativ pranë Gjykatës Administrative në afat prej 30 ditësh nga dita e pranimi të aktvendimit.

KOMISIONI PËR MBROJTJEN E KONKURRENCËS

KRYETARE

Mr. Малинка Силјановска Николиќ

.